


# 現代學生文選



大東書局印行

# 現代學生文選

第一冊

## 卷一 論

### □ 論商業不發達之原因

李念慈

自中西互市後。我國之商業。有一落千丈之勢者。何哉。論者每謂格致之未諳也。製造之未精也。此外觀則然耳。究其所以不振之故意者。經濟之竭。蠹人才之缺乏乎。卽或經濟足矣。人才富矣。政府不爲之提倡。何怪乎利權外溢。不能凌駕泰西也。爰擬三端。以效一得。詩云。采葑采菲。無遺下體。是所望於經商者。

一曰經濟。商業以資本爲先。有雄厚之資本。然後可以經營偉業。攷東西各國。若日本之火柴業。資本至數百萬元。英吉利之炸藥業。資本至一百數十兆元。其他各業。莫不如是。我國於開礦一項。設公司。聘技師。購礦地。探礦苗。累月

經年而資本已盡。或有成效而無力擴充者。若漠河金礦。雲南銅礦是也。或有借外債而喪權者。若漢冶萍是也。他若招商局大小輪船有數十艘。自清季開辦至今。僅能維持現狀。而太古怡和等。日見增加。無他。資本之豐。齎所致也。語云。巧婦難爲無米之炊。又曰。長袖善舞。若操一豚蹄。酒一盃。而致滿篝滿車之祝。則所持者狹。所欲者奢。未有不見笑於齊髡也。故爲今計。不謀振興商業。則已。欲謀振興。非擴充資本。不可。願吾實業家盡力以圖之也。

二曰人才。今日之世界。一商戰之世界也。商戰得其道。則國存。商戰不得其道。則國亡。道之所成。胥賴乎人才也。是故歐美各國。莫不講求人才。吾國則尊仕賤商之陋習。相沿已久。凡稍有才識者。爭趨諸政界。商人之才識卓越者。僅鳳毛麟角而已。故商人無遠大之眼光。貨幣爲重。道德爲輕。此近年失敗之原因也。挽救之方。宜先養成人才。始。况歐戰已和。日後商戰之猛烈。當十倍於今日。人才問題。國家貧富存亡繫也。國人可不警醒乎。

三日提倡人才資本固爲振興商業之要素。不知商業之發達與否。尤視乎提倡之得力與否也。東西各國無不勵行保商政策。凡提倡實業之富商。皆錫以勳位。徵諸中國商業。則特設專部以司其事。似可謂提倡矣。惟僅一命令而已。其能實行者。未之有也。夫紙上談兵於事。何補。故歲費數百萬之經費。仍無成績可言也。釐金爲吾國苛稅之一。若一日不去。商業終無發達之望。古來輕徭薄稅。莫不稱爲美談。嘗攷各國稅率。大抵出口稅輕。入口稅重。蓋所以阻外貨之來源。利國貨之暢銷。吾國則反是。宜其商業無發達之望也。願當局者洞世界之大勢。察民生之日蹙。實業一政。關係甚大。幸勿再事敷衍也可。以上三者苟能勵精圖治。爲今日救國之良劑。全國人士。幸勿視爲老生常談而忽之也。

氣盛言宜之作

□ 內亂足以亡國論

徐鍾安

嗚呼。盛衰之理。雖曰天命。豈非人事哉。觀乎歷代之興亡。可以知之矣。而內亂實爲亡國之先驅。晉有八王之亂。然後有五胡擾華之禍。明有流寇之亂。乃爲滿清所乘。此皆明證也。念夫我國改造共和以來。已歷十年矣。而此十年中之景象。無日不亂。無地不亂。如南北之紛爭不息。洪憲之改號。幾成國會之解散。清帝之復辟。皆爲我國內亂中之顯著者。鷓蚌相爭。漁翁得利。三復斯言。當可猛省。昔孟子有言。人必自侮也。而後人侮之。國必自伐也。而後人伐之。內亂者自侮。自伐之道也。操戈同室。古今所悲。兄弟鬩牆。外禦其侮。奈何鬩牆不已。不知外侮之日深耶。在好爲內亂者。必將盡殺異己。以爲快國之存亡。非所計也。莊子有言。哀莫大於心死。是輩不以國家爲前提。惟欲擴張一己之勢者。心死之人也。凡我國民。其各本同舟共濟之意。使全國不復發生騷亂。以禦歐美虎狼之國。如是而行。則鮮有不強之理也。

有感而言。不知南北要人對此何如。

## 工廠衛生論

賀嶽僧

西儒有言。救爾靈魂之前。必先救爾肉體。又曰。健全之精神。寓於健全身體之中。可知人欲發展個性之本能。固不可不於精神界有充分之預備。而尤不可不於肉體上有適當之防衛。蓋皮之不存。毛將安附。身體之不健全。而精神即因之頹廢。於是而衛生之道尚焉。衛生之旨有二。曰個人衛生。曰公衆衛生。我國醫學發明最早。於個人衛生。素所重視。而於公衆衛生。則仍付諸如如道路。不修行旅有疲勞之嘆。建築不慎。街衢多穢濁之氣。西人旅行內地。每譏中國爲半開化之國。以公衆衛生之不講求。即精神上之文明。亦無由表示。嗚呼。我國人其甘受半開化國之誚乎。抑否耶。如不甘受。曷於公衆衛生加注意焉。考公衆衛生中最缺乏而急當講求者。厥爲工廠。蓋自機械興。而家產工業悉移爲工廠工業。故工廠者。乃人類生存之場所。居住於斯。衣食於斯。使不講求衛生。其結果必無健全之工人。夫以不健全之工人而工作。則其收效之不佳。



無待亟卜矣。且人類體質中每吐炭氣而吸清氣。工廠爲人類薈萃之場。空氣每易爲炭氣所混濁。微生物因以傳播其間。爲害生命之康健。無異激烈之戰爭。品故處物質文明之世。工廠衛生視個人衛生尤關重要也。雖然工廠衛生之道維何？(1) 建築精密。(2) 服食清潔。(3) 適宜休息。(4) 婦孺休息。余嘗讀書有暇。游覽上海工廠矣。每怪其爲個人利益計。若是其詳且盡。而於工人幸福計。則不無異議焉。何也？其建築廠舍也。於窗牖則加以鐵網。玻璃僅能透漏光線。而不能交換空氣。其於紗廠也。因工作需適宜溫度濕度。而閉塞尤甚。雖曰物性所不能免。豈可遂置人類於腥穢薰蒸之場。以夭折其天年歟？料亦有心人所不忍。必思改良方法。以避此危險耳。

食爲生命之延養料。而物料不潔。適以爲害。吾見夫工人之食物。其不潔也極矣。往往每日所食之品。一次預備。經烈日之蒸晒。蟲蟻之叢集。不待食而物已先腐。微生物既多。傳染尤速。吾以爲欲除此弊。宜設工人餐館。則庶幾矣。

精神久用則竭。體力久勞則疲。故必有適宜之休息以恢復之。西洋工作每日以八時爲律。我國雖工業猶在幼稚。人民工作之能力較低。然亦適可十時而止。乃滬江各工廠少者尙十二時多。且至十四時而已。尤苦者則爲夜工。婦人體力孱弱。加以生理上之特殊。童子形神正在發育。泰西各國均較成人減少其工作。而我國工廠中所用婦孺。曾未聞增加其休息時間。或且減之。是皆工廠衛生所宜研究者也。

雖然。余嘗推而論之。衛生之旨在於繼續其生命。延長於世。然吾人生命有限。苟徒以有形之衛生以衛其軀壳。則衛生之道終有時而窮。且人之於世。苟不能盡人類之責。而徒冀苟延殘喘。是適以侵奪同類之利益。尙不如死而速朽之爲愈。何貴衛生爲哉。古哲人志士知其然也。於肉體衛生之外。尙有精神之衛生。使其生命不致以軀壳之存沒爲存沒。乃以精神能否永久存在爲存沒。窮研宇宙以究其奧。爲吾人披荆棘。割草萊。解釋人生之眞義。於文明國開殖



民地者是學問家之衛生也。或殺身成仁。舍生取義。其剛毅之氣。印入後人腦海者。是志士之衛生也。嗚呼。古人往矣。吾人猶能於文字間。親其聲音笑貌。豈非衛生之益哉。雖然。此非爲中智而言也。今因論工。勵衛生。並表而出之。

氣盛則言之長短。高下皆宜。入後別開生面。理想尤超。

□ 論文

張葆晟

公輸天下之至巧也。然不以規矩。則不能成方圓。師曠天下之至聰也。然不以六律。則不能正五音。乃一國之文章。而可以無規律乎。夫所謂文者。從道生也。道揆乎理。理明以詞。而字而句。而篇而節。必皆有諸其中。然後形諸其外。本源而未茂。形大而聲宏。行峻而言厲。心醕而氣和。昭晰者無疑。優游者有餘。體不備。不可以爲成人。氣不足。不可以爲成文。此韓公昌黎論文之所以爲文也。中國文學。燦然大備。經天緯地。尙矣。自象形指事。諧聲轉注。假借之文。出而詩書易禮春秋。孝經爾雅。下建莊騷。班馬之作。以至史家道家。陰陽家。名家。法家。縱

橫家小說家之雜出申毛鄭孔之訓詁程朱陸王之性理韓柳歐蘇之文章吐棄衆說成一家言光明偉大浩博精深夏夏乎無可比倫焉此皆吾國文學之變遷與運會而俱新也今之學子受書而讀作爲文章非詞之不明則意之不顯或且撫拾前人字句以粉飾其舛陋竊脂效顰洋洋滿紙而以爲我已盡文之能事矣文顧如其易乎嗟乎斯文之不講也已久欲文之直追古人也難矣是故瑤華不琢則夜光之景不發丹青不治則純鉤之勁不就火則不鑽不生不燭不熾水則不決不流不積不深披六經玩百氏積義窮理浸漬道訓然後發爲文章庶駸駸乎不懈而及於古乎詩云高山仰止景行行止雖不能至然心嚮往之矣。

氣象崢嶸東坡所謂少年文字也。

□ 論治人與治己孰難

三軍之帥萬民之首步伐分明號令齊一誠哉天下難事也然而萬衆耳目僅

求其守我紀律則智術勇力皆可奏效於一時獨至隱微之地方寸之間憧憧  
逐逐繼起叢生無形之寇盜視有形者尤爲難攻獨見之蠹賊視共見者尤爲  
難除也古今猛將雄君往往可決勝疆場立威朝廟若問其夙夜清明則皇然  
赧然敬謝不敏矣究之屋漏既愧神明卽大廷難欺廣衆功業垂成或至一蹶  
不振此豈斯世之反側莫戢乎實寸心之邪曲莫制耳治人非難難在治己故  
英雄敗於欺世而聖賢功在慎獨

精銳之色不可逼視

論今日應爲之事不可委之明日

王春登

英人德留曰今日應爲之事不可委之明日嗚呼此德氏之所以大有爲於當  
日而永留其事業於後日乎夫人生能有幾何日而愒時玩日者往往以歲月  
舒長遂坐銷其精神於嬉戲之場迨髮白齒豁途窮日暮始太息於光陰之難  
挽功潰事敗徒喚奈何而回溯其生平之大誤不過此委之一字爲害命之病

根耳。今夫聖賢之爲學，英雄之創業，胡爲乎汲汲皇皇，朝乾夕惕，不肯有一息之駐步哉？彼見夫人生有限，事業無窮，卽策精勵神夜以繼日，而胸中想望目前，羅列斷斷不可稍緩之事務，終未能措辦其萬一，推其心直欲取今日以後，千日萬日應爲之事，悉經營於今日之一日，乃其力其勢，又萬萬不能及。則今日爲極端忙迫之日，不料日不我留，今日遂過於是乎？今日未了之職務，又累積於今日以後之今日，是現在之今日，每較過去之今日，倍爲緊急，則處今日而作明日之計畫，層層艱苦，步步煩難矣。始信東海有岸，泰山有巔，而此身此事，絕無邊際之可言，並不知今日有如許要事，將何能委何所委耶？責無旁貸，義不容辭，如臨大敵，若騎猛虎，出全力而與千古之賢豪開酣戰於百年，瞬不暇轉，絕迹飛行，此其學問事業所以深不可測，高不可仰歟？雖然，善用其委者，則有說矣。謂事無定而日無窮，今日之日未必有事，明日之後更有明日，逐日爲事所困，何其苦也。遇事卽用，吾委豈不暇哉？噫嘻，如此委而又委，但恐日後

無日未知其心思之愚蒙。身世之禍亂亦可委之他人。委之他日。否耶。奈何不憬然悟。奈何不奮然興。

### 暮鼓晨鐘發人深省

#### □ 人民與國家之關係論

高鼎甲

今試登崑崙而望禹甸。芸芸者非我。四百餘兆之人民。耶。今試渡東海而溯神州。茫茫者非我。二十二省之國家。耶。左岱右華。巖巖其峙。立也。長江大河。滔滔其環流也。長城萬里。巍巍其鎮邊也。五穀果蔬之甘美。我人民食之。飛潛動植之精華。我人民享之。金銀土地之富饒。我人民有之。錦繡國家。忍令此碧睛黃髮異族。虎視狼貪。各國攘其臂。探其指。礪其牙。瓜分而竊據之乎。然人民非國家。則無以生存。國家非人民。則無以保護。譬如身體。國家其腦筋也。人民其週身血脈也。腦筋與血脈相連絡而不可離。即人民與國家相依附而不可分。人民強則國家亦強。人民弱則國家亦弱。人民得自由則國家自由。人民能獨立

則國家獨立。人民雄視全球。則國家亦雄視全球。日昇天空。宇宙輝煌。河聚細流。千里汪洋。鷹隼高飛。百鳥潛藏。雄獅怒吼。羣獸悚惶。天覆其蒼。地履其黃。縱有千古橫有八荒。壯哉人民。同一心而不變。美哉國家。慶萬世而無疆。

詞華暢茂筆氣雄健

論生存競爭

穆達義

天地萬彙各爭自存。適者昌。不適者亡。西儒達爾文推天演之公理。定人羣之公例。而直揭之曰。生存競爭。蓋萬物之生於天地間者。莫不有競。競者生存且優勝。是順天演之公理。乃得生存。不競者滅。且劣敗必受天演之淘汰。至於漸滅。嗚呼。萬物且如是。况人類乎。其所以生存於世者。無往而非競爭。有以致之。倘一人不競爭。則一身泯滅。一家不競爭。則一家衰敗。一羣不競爭。則一羣消亡。且非獨一羣然。卽國於世界。亦莫不然。今日之世界。一弱肉強食之世界也。大陸雲擾。競爭日烈。印度亡於英。安南領於法。朝鮮併於日。環視東亞。其一息



尙存未爲白人割盡者其惟中華一片土人操刀俎我爲魚肉豈天之阨我國耶乃我國無競爭之能力耳萬物之生存於天地人類之生存於世界國家之並立於地球皆處天演之漩渦中一不競爭卽歸於澌滅可不懼哉可不懼哉沈痛之思以雄健之筆出之直有中流擊楫聞雞起舞之概

□ 論生存競爭

應治國

宇宙至大也萬物至繁也任有生而無滅瞬息間可占盡全球於是物競天擇適者生存之說起焉種類愈進則競爭愈劇競爭愈劇則優劣愈顯勝敗亦愈相懸而適者出焉凡諸不適者自然消滅謂之天然淘汰物類且然而況人乎天生萬物人爲最靈惟其靈也故競爭力甚大而生存亦得永保生存競爭之勢不綦大哉夫吾人持身涉世無日無時不宜競爭一日不競爭則一日卽劣敗一時不競爭則一時卽退步歲月虛擲必遭淘汰凡百職業莫不皆然今吾人生危迫之秋宜如何方不致滅亡哉試觀列強環峙弱肉強食苟任天而動

則欲其不淘汰。不滅亡於天壤中者。其可得乎。不競爭。不生存。物理。照然。人事。公例。可不懼哉。

清真刻露初學寶鑑

乘國如乘航論

霍靜齋

揚子曰。乘國者。其如乘航乎。吾甚信其理之相同。而深怪其情之或異也。今夫乘航者。進退遲速。左右旋轉。其目之所注。心之所營。不敢以稍懈。以其爲性命之所託也。乘國者。政治弛張。人才黜陟。其目之所注。心之所營。亦不可以稍忽。以其爲身家之所託也。舟之敗也。有胥溺之憂。國之亡也。無完卵之望。其理之相同。夫人而知其然也。

然吾於此。則有疑焉。乘航者。非精於其術。則不敢以爲乘國者。則或非其人。而無不敢爲也。乘航者。催夫舵工。不敢以輕任。乘國者。高官要職。則或以相假。而且江湖共濟。雖胡越同心。爲一家患難相尋。竟兄弟操戈於同室。此尤情之所

不可解也。夫謂航重而國輕，人雖至愚，不至如此之謬，而身家與性命又本無軒輊之殊也。而其用情之顛倒錯亂，固竟若此也。當國者奈何弗思。

氣息入古議論切今

□ 論地方自治之利益

趙中理

國土如此其廣也。人民如此其衆也。雖政府挈領於中央，官員分駐於省縣，而治理有所不及，欲求維持社會之安寧，國體之鞏固，其可得乎？故立憲之國，均以力行地方自治之制爲急務。以地方之人籌地方之財產，營地方之事業，謀地方之幸福，而地方之人民即可享地方之利益。如設學校，培一方之子弟，立團勇衛一方之財產，設醫局療一方之疾病，營善堂恤一方之孤獨，其利益之大爲何如乎？不觀夫德行地方自治而稱雄西歐，日行地方自治而誇耀東洋乎？奈何吾國有地方責者，任非其人，致令秩序不能完善，人民不得安甯，國家亦不得鞏固，是未獲地方自治之利而先受地方自治之弊也。吾故曰：欲行地